

Powšitkowne WOZJEWJENJA

njedźelu, 11. februara 2024

Wusyłanje Božeje mše

Serbskorěčnu Božu mšu móža wěriwi tutu njedźelu, 11. februara, w 9.00 hodž., tohorunja jako livestream sobu swječić. Link na nju budže w interneće pod www.posol.de kaž tež na wosadnej stronje podaty.

TCM přeprošuje na wulět a wopyt putniskeho městna

Sekcija wěda a skutk Towarstwa Cyrila a Metoda z.t. (TCM) přewjedže wot soboty do srjedy, 21. do 25. septembra, wulět do Ruppoldinga. Wottam poda so skupina do Salzburga, Tirola, Reit im Winkel, na kupu Fraueninsel w Chiemskim jězorje kaž tež na putniske městno Altötting. Zajimcy měli so hač do štwórtka, 29. februara, w redakciji Katolskeho Posoła přizjewić, telefonowe čisło (0 35 91) 55 02 10. Zdobom měli na konto TCM potom 200 eurow napłaćić: Cyrill-Methodius-Verein e.V., IBAN DE65 7509 0300 0008 2823 66, hesło: „Ruppolding“.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 12. měrca, w 14.00 hodž. do Smochčanskeho kubłanišća swjateho Bena přeprošeni. Zajimcy njech so hač do wutory, 5. měrca, w redakciji Katolskeho Posoła přizjewja, telefonowe čisło (0 35 91) 55 02 12. Dalši zajimcy kaž tež ći, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjesu. Štóž chce wotewzaty być, njech to prošu zdźěli.

Putniska jězba

Na serbsku putnisku jězbu do Augsburga a Maria Vesperbild wot pónđzele do štwórtka, 15. do 18. julija, přeprošuje Radworske Šmitec busowe wozydłownistwo. Duchowny nawod změje farar Ganriš Nawka. Přizjewjenja přijimuje Šmitec wozydłownistwo, telefonowe čisło (03 59 35) 28 60.

Zhromadny dzeń za 4. a 5. lětnik

Dekanatne dušepastyrstwo za dźěći zarjaduje za šulerki a šulerjow 4 a 5. lětnika zhromadny dzeń w póstnym času pod hesłom „Z Jězusom po puću“. Tón wotměje so sobotu, 24. februara, wot 9.00 do 15.00 hodž. we Worklečanskim Don Boskowym domje. Za wudawki zběraja wot kóždeho wobdźělnika přinošk pječ eurow. Zajimcy měli so hač do pónđzele, 19. februara, online přizjewić. Link nańdu pod www.posol.de.

Jězba w lětnich prózdninach do Lückendorfa

Dekanatne dušepastyrstwo za dźěći přeprošuje šulerki a šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 8. do 12. julija 2024. Swójski přinošk na wobdźělnika wučinja 110 eurow. Přizjewjenja přijimuja hač do njedzele, 31. měrca 2024, online. Link na wotpowědnu stronu je pod www.posol.de wozjewjeny.

Pytają dodatkową pomoc dla potrzebujących

Hornjolužiski zwjazk Carity pyta k najblišemu možnemu terminu za swoju Dnjowu hladarnju „Při Krabatowym puću“ we Worklecach dodatkową pomoc jako zastup za čas chorosće. Džělowe zřěčenje je na znajmjeńša 20 hodžin wobmjezowane, zwyżenje hodžin a podlěšenje zřěčenja pak je možne. Požadanja přijimuje wjednica dnjoweje hladarnje Jěwa-Marja Šnajderowa pod adresu Při zelenišćach 5, 01920 Worklecy, abo z mejlku na e.schneider@caritas-oberlausitz.de. Pod telefonowym čisłom (03 57 96) 94 24 70 dóstanu zajimcy tež dalše informacije. Nadrobne wupisanje je pod www.posol.de wozjewjene.

Ekumeniski póstny seminar w Smochćicach

Lětuši Ekumeniski póstny seminar w Smochčanskim kubłanišću swjateho Bena steji pod hesłom „Nadal dosć městna – W kotrej měrje je cyrkej za towaršnosć trěbna?“ Planowane su wospjet štyri zarjadowanja po štyrjoch pónđzelach póstneho časa. Započatk je stajnje w 19.30 hodž.

Abt benediktinskeje abtownje Dormitio w Jerusalemye Nikodemus Schnabel budže pónđzelu, 26. februara, na temu „Wy sće sól zemje“ přednošować. Propst Benno Schäffel z Kamjenicy wěnuje so tydžeń pozdžišo, pónđzelu, 4. měrca, temje „Dokal tež džeš, Bóh tu hižo je“. Třeći přednošk pónđzelu, 11. měrca, steji pod hesłom „Boju so towaršnosće bjez nabožiny“. Hósc budže předsyda frakcije CDU w Sakskim krajnym sejmje Christian Hartmann. Z filmowym wječorkom pónđzelu, 18. měrca, so ekumeniski póstny seminar skónči.

Na wšitke zarjadowanja přeprašuju Ewangelsko-lutherski cyrkwinski wobwod Budyšin-Kamjenc, Budyski dekanat, Towarstwo Cyrila a Metoda z.t. kaž tež Smochčanske kubłanišće swjateho Bena. Wobdželenje je darmotne, wo dary praša.

Chorych a mrějacych přewodźeć nawuknyć

Ambulantna hospicna služba Hornjolužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju čěžkochorych a mrějacych. K tomu trěbnu wědu posrědkuje w zakładnym kursu, kotryž wotměje so wot 20. měrca hač do 4. meje trójce srjedu wot 17.00 do 20.00 hodž. kaž tež štyri króc sobotu wot 9.00 do 15.00 hodž. Na to sčěhuje praktikum z dalšimi štyrjomi zetkanjemi. Pohłubšacy kurs je w septembur planowany. Štóž chcył wukubłanje absolwować, měł so pola hospicneje služby Carity w Kamjencu pod telefonowym čisłom (0 35 78) 37 43 12 abo z mejlku na hospiz@caritas-oberlausitz.de přizjewić. Flajer z dalšimi informacijemi a terminami je pod www.posol.de podaty.

Rjad přednoškow wo psychiskich chorosćach

Hornjolužiske telefonowe dušepastyrstwo přeprašuje na rjad přednoškow wo depresijach, přewenciji přećiwo suicidej, samoće abo psychiskej strowoće. Wone steja pod hesłom „Njejsy sam“ a wotměwaja so wotměnjejo w Šěrachowje a Kamjencu. Přenje zarjadowanje budže štwórtk, 14. měrca, wot 18.30 do 21.00 hodž. we wosadnym domje w Šěrachowje. Referentka Julia Müller wěnuje so temje „Depresije – hdyž duša płaka“. Cyłkowny přehlad temow, referentow a městnosćow je pod www.posol.de wozjewjeny. Přizjewjenja njejsu trěbne. Zastup je darmotny.

Nowa zwukowa instalacija w Rakecach

Nowu spirituelnu zwukowu instalaciju k temje „Lubowany“ móža wopytwarjo wot tuteje njedźele, 4. februara, w Rakečanskej ewangelskej cyrkwi dožiwić. Wuwił a zwoprawdźił je ju znowa komponist Norbert Binder z podpěru tamnišeho Pawołskeho chóra. Zdobom su solisća a džěćacy chór 6. lětnika Pawołskeje šule sobu zapřijeći. Wot Heika Hahnelta programěrowane swětłowe efekty hudźbu, kotraž je z 21 wótrerěčakow słyšeć, wizuelnje podkładu. Awdiowizuelna instalacija je hač dosrjedź měrca wšědnje wot 9.00 do 20.00 hodź. přistupna. Zastup je darmotny.

Putnikowanje do Medźugorja

Na dwurěčnu putnisku jězbu do Medźugorja su zajimcy klětu w měrcu a w oktobrje pře-prošeni. Prěnju jězbu wot soboty do soboty, 16. do 23. měrca, organizuje Enrico Šořta. Přizjewjenja přijimuje wón pod telefonowym čisłom (01 62) 9 62 83 70 abo z mejlku na enrico.scholze@t-online.de. Zamołwita za dalšu jězbu wot soboty do soboty, 12. do 19. oktobra, je Regina Kurjatowa. Zajimcy móža so pola njeje pod čisłom (03 57 92) 5 13 77 abo z mejlku na adresu Regina.Kurjat@web.de přizjewić.